

乾隆乙亥重鑄

蒲州府誌

府署藏板

蒲州府志序

蒲於古為帝都風教之所由始
文物之所由昭襟山帶河界連關
陝握控雍豫蓋全晉之形勝屏
障西南者也其間名賢代出彪
炳宇宙泣茲土而以循良著者史
不絕書則凡夫政治之因革山川之
錯繡風俗之盛衰人物之顯晦占
都是城池之代更代更者不有志

何由知夫士生千百世以下而千百
世以上燦若列眉坐臥一室之中
而于百里以外燦如指掌其藉於
志者深矣古因禮職方所掌其
責其繁重非徒為好古之士數典不
忘上以資承之是邦者考文激猷
而佐治有方也余於

今上之乾隆十年奉

命撫晉甫下車即諮訪屬郡守賢

能既而蒲東守周君來謁言論
風采恂乎儒吏也周君先是由
太原調補寧武又由寧武調補
蒲東所領劇郡著有循聲簿
書之暇即勤以志乘為事聞寧
武之役某有成書矣而蒲東自列
郡以來尚仍州志數十年未有起
而脩之者大抵士大夫以官為容以
為不急也而緩之以為無益也而揮

之而周君獨慨然以為己任蒐羅
闕採取舊聞以因為創使蒲郡之
有志自周君始不可謂非有心人也
雖然著述非二千石長也興利除
弊率屬憂民均徭役振廢墜旌
別泐隱彰善癉惡此皆蒲志之
空言而可見於實事而與前摺之
循良後先輝映者也周君勉乎哉
志既成將授剞劂裝寫成帙分

門彙聚列卷為二十有四問序於
余因為道夫志之所以重而周君之
深心於此非苟焉已也既以勉夫周
君并以勉夫後之守蒲者
時

大清乾隆十九年歲在甲戌丙子月望

後五日

巡撫山西等處地方兵部右侍郎
憲管提督節制全省軍務長白

三

恒文書於太原官舍

序

儒者之為治果何以異乎人哉以其能興文學勵風俗而振教化也西漢郡守以循良稱凡六人考所施為無不由此後世言吏政者莫加焉蒲州周使君赴浙東早用中舍人聲高紫微省下佐郡南海旋典太原復自寧武移守河中裕於政理久矣予以乾隆庚午歲持節是邦又二年而君至接其言論徐以觀其所為益信君為儒者及得君寧武志觀之不以邊郡相鄙而勤募建使其地之山川人物得藉以見焉於是益歎使君之果有以異乎人則又私度河中當志乘以扶之餘曾無起而謀其事其有網羅蒐討俾掌故弗湮燦然復備者必且賴於君也哉乃未幾而君果以郡史為急手訂輯之數月而書成以

質於予之惟天道數十年一變人事隨
之以今曩之不同而著其醇澆不其媿惡
即風俗之所以勸也自康熙丁未訖於今
茲忠孝節烈或耒彰者志以表之即
教化之所以振也方古明時河中人文萃
出仕宦相率近或感察閭焉君以是役
進諸生而詔之相與辨其義例稽古
編摩文學之興又將由此異日者白圭
振鷺之堯蜚英騰秀聯武駢軫以

二

追往盛非使君之功又奚屬哉君之益
懋勉焉以書第一之績則蜀之文翁
相鄉之朱邑班史所列夫何讓焉會
當槩本使君欲叙其端因舉是以
為之說

時

乾隆十九年歲在甲戌中夏之吉
賜進士出身分守河東兵備道上海
喬光烈潤齋氏序

序

天下郡國皆有書蓋本於周官四方之志以紀星土表山川叙民物述其媿惡而知其好惡不可廢也昔紫陽朱氏名世大儒應官所至常喜問其志書而考求之亦以紀載所存其託繫乎地者多且要焉不特侈文辭備故事而已自後世涖政者往往視為不急於是因任陋略者有之簡牘廢置遠或至於百年

數十年而籍錄所掌歸於空虛入其國者欲覽之而莫由上史官者將采焉而弗得嗚呼亦二重可歎哉余以庸弁荷

國厚恩典郡山右初自太原寧武乾隆壬申復移守河中懇奉職不稱旦夕慄々思求昔時賢牧伯所措施以治其人者而導之師於是緡蒲州舊志則唐裴寬陸象先宋范純仁諸公在焉益棟媿於效

法之無由徐西視其歲月以自康熙五年
丁未至今且九十載中間曠焉纂述邈絕慨
然歎今之蒲非昔之蒲也昔州而今郡則紀
綱異矣昔縣有河津而今析焉則統隸異
矣昔無永濟虞鄉今乃設焉則建置異
矣加乃官司之立典祀之增學校之分營
事為之代起及其風俗時貿選舉歲登戶
版盈虛祿祥消息可無稟載用授司存
乃自雍正戊申改郡以來上追舊志輟筆之

後佚者蒐之散者萃之差其先後著其
異同勒成一編以為郡志夫古使者輶軒所經
輯其山川為一書民俗為一書政治得失為一
書豐荒水旱為一書歸而上諸朝廷以備
方州之診問况余承之屬守此志非郵傳
過車者以敢謂事非所急任而置之徒以撰
輯之勞護後來也哉若謂前時為政者
皆未及此余獨以是躬親獲之奇俾郡人
士稱有志自今始庶幾美而傳焉余意固

不然且奚必然乾隆甲戌清和之辰
嚴陵周景柱叙於河中官舍

蒲州府志發凡

志爲郡史不可或缺蒲自爲府以來垂三十載既未有書卽州之舊志修自康熙五年至今將九十年歲記載久佚文獻無徵茲廣搜遐討取舊州志與平陽府志參合考校擇是去非自前甲辰訖今乾隆甲戌補殘續缺以成此書要歸謹嚴精核足使傳信而已

志凡二十門區分四部以爲綱領曰地輿疆域山川水利皆地也風俗因乎地者也古跡託乎地者

也物產地之所有也首舉分野地之繫也曰官政城郭祠祀以及選舉皆政也記名宦者書政之實以昭勸也曰人物忠節孝義列女諸科皆人也統以人物而類分焉各得其序也曰藝文紀事文之考也餘錄文之餘也春秋重地故首地輿政以治地故繼述官政人爲本故人物繼之技爲末故次以藝文終焉

志乘之學地理爲難蓋古今變更名號數易疆域割隸出入不同後言地輿者影響相傳傳會相指

雖以征南淮南二杜之精於學寰宇括地之博於文要尚不能無誤今博採史傳及古今地理諸書而校其得失庶於郡地有所考正云

志乘諸書類有沿革而多無地表今特爲此篇列在沿革之首凡沿革所不能盡書者於表著之表所列於秦已上加詳而沿革則自漢始蓋自先秦戰國上至夏商其地雖在其名或存而無以考其建置與夫爲沿爲革之實故也古者左圖右史史以考其文圖以明其驗表猶圖也既志沿革而復

著其凡於表俾覽者得以相資夫志之爲體雖同於史亦微有分焉彼遷固諸表爲年爲月異姓同姓以其不可括之於志故八書十志而外復有此篇則因其異而異之者也今表與沿革並言地與事非兩岐故合而同之如出一孔有兼明也非贅且複也

門目煩多則失體例宜歸併省各使類從故田賦之下而丁戶附焉官署兵衛之下而庾驛附焉山川之下而關梁水利附焉壇壝之下而祠廟附焉

古跡之下而塚墓寺觀附焉

郡之田賦唯書大凡蓋志乘與吏胥案牘故復不同况郡書視縣史又有異乎

州舊志列帝系平陽府志有帝王門即山西通志亦然不知其非體而於義甚不可也今不復著郡多古跡無不搜載尚有見於傳記以其事隱而世不能舉其名者亦從而書之以存掌故

前代人物必核其爲郡產始列之冊若平陽志與州舊志以皇甫嵩爲萬泉人而不知其爲安定者似此非一竝爲削正又河津今隸絳州故太史公文中子薛文清等亦竝不錄云

人物有載史氏全文者有節錄者要唯其適又自唐已前人仍書汾陰寶鼎等以循史文之舊

所列人物自明代至今尤尚嚴慎不敢濫雜致乖實錄

列女唯節行尤著者爲之傳餘唯採姓氏書之藝文者志乘之英華雖不能盡載其與郡人郡事有相係屬者必舉錄焉若泛然之辭所不取也

祥異兵氛諸志竝列今別爲事紀一篇凡巡幸慶賞賑卹興役諸科莫不具載而兵祥列入其中各依時代爲次考郡事者上下千載可指掌得之地理山川古跡陵廟說有見於傳記者單辭片語必取掇焉亦數典不忘之義也

事有疑誤必資辨析地理山川人物等有載在諸志而訛謬相仍者各爲疏辨著於本條之下

沒而可祭於社者唯三不朽足以當之若不過謹愿自好則仲長公理所爲婦女之檢柙鄉曲之恒

人耳皆欲爭馨俎豆名器濫褻不乃甚乎諸志凡祀鄉賢並疏著於本傳及科目姓氏下今不復出寓矯俗之微意云

璣語逸事有可稱談稗而舉之以爲餘錄又諸志每門例有小序敝辭無取今省之

凡志郡國者其幅員疆理城郭宮室山川往跡必躬履目驗盡其形狀能者從而筆記可使如營新豐故自三輔皇圖而下若戴延之郭緣生酈道元盛弘之以及陸氏入蜀記等數十百種讀者雖未

至其地第覽其書而東西下高之形曲折向背之勢可得之目中遇之紙上若夫逸軌曩躅尤尚訪求好事之徒資相接語又須廣羅籤軸使證逮足供今履驗所施議顧未及加乃掌故無吝於博士繙考絕少於陳編一手齋居營成三月會稽典錄荆楚歲時載筆恐疎或慙作者後之君子詳其缺焉

蒲州府志修輯姓氏

總修

分守河東兵備道喬光烈

潤齋江南上海人丁巳進士

蒲州府知府周景柱

西擎浙江遂安人巳酉舉人

分修

永濟縣知縣張淑渠

潛齋山東濟寧人戊辰進士

臨晉縣知縣陳正勳

晉齋湖北江夏人巳未進士

萬泉縣知縣畢宿燾

溥幼山東文登人巳未進士

猗氏縣知縣李合

滙川雲南元謀人壬子舉人

蒲州府志

姓氏

榮河縣知縣蔣蘭

貴州貴陽人壬子舉人

署虞鄉縣知縣莊行恭

福建福清人壬申舉人

原任永濟縣知縣孫際震

明菴直隸滄州人乙卯舉人

原任臨晉縣知縣周遐齡

紹彭河南南陽人癸丑進士

原任猗氏縣知縣李本樽

尋木山東惠民人拔貢

原任猗氏縣知縣尋紹舞

山東金鄉人癸丑進士

原任榮河縣知縣方立經

湖北興國人甲子舉人

原任署萬泉縣知縣胡承璧

安徽涇縣人丁巳進士

原任虞鄉縣知縣顧月化

用可江南甘泉人癸卯舉人

原任虞鄉縣知縣高 封

山東歷城人 生員保舉

採訪

蒲州府學儒學教授鄒承穎

敦復山西高平人 甲戌進士

原任臨晉縣教諭馮 仁

山西陽曲人 辛酉舉人

校錄

侯 魯 府學廩生

張君綬 府學廩生

崔 燭 永濟縣廩生

薛衍先 永濟縣增生

王 旦 臨晉縣附生

王上達 臨晉縣附生

何始昇 猗氏縣附生

蒲州府志目錄

第一卷

星野

地表

沿革

形勝

疆域

第二卷

山川

第三卷

古蹟

風俗

物產

第四卷

蒲州府志

目錄

一

城池

壇廟

官署

第五卷

學校

田賦

兵衛

第六卷

職官

第七卷

宦績

第八卷

選舉上